

KJKP "RAD" d.o.o. SARAJEVO

- v.d. Direktor -

Broj: 05-03-04-_____ /20
Sarajevo, 10.12.2020. godine

Na osnovu člana 70. Zakona o javnim nabavkama BiH ("Službeni glasnik BiH", broj 39/14) i člana 47. Statuta KJKP "RAD" d.o.o. Sarajevo, v.d. direktor Mirsad Hošić donosi:

O D L U K U
o poništenju postupka za javnu nabavku robe

I

Poništava se postupak za javnu nabavku geodetskih usluga.

II

Odluka stupa na snagu danom donošenja.

O B R A Z L O Ž E N J E

KJKP "RAD" d.o.o. Sarajevo je dana 19.11.2020. godine na portalu javnih nabavki BiH objavio Obavještenje o nabavci kroz konkurentski postupak za izbor najpovoljnijeg ponuđača za javnu nabavku geodetskih usluga, sa rokom dostave ponuda 03.12.2020. godine.

Po konkurentskom postupku broj obavještenja o nabavci: 83-7-2-544-3-165/20 pristigle su 4 (četiri) ponude i to ponude firmi:

- **BN PRO d.o.o. Sarajevo**
- **GEO BIRO d.o.o. Konjic**
- **Institut za građevinarstvo IG d.o.o. Banja Luka**
- **GEODET d.o.o. Sarajevo**

Komisija za javnu nabavku je u toku provođenja postupka i nakon detaljnog pregleda dostavljene dokumentacije utvrdila sljedeće:

- Ponuđač **BN PRO d.o.o. Sarajevo** je postupio suprotno tački 13. Tenderske dokumentacije, te je u nacrtu ugovora i okvirnog sporazuma izvršio izmjene naziva predmeta nabavke navodeći da je predmet nabavke „geodetsko snimanje“, dok je Ugovorni organ decidno naveo da predmet nabavke obuhvaća sve geodetske usluge. Ponuda je ocijenjena kao **nepotpuna i neprihvatljiva**.
- Ponuđač **GEO BIRO d.o.o. Konjic** nije dostavio Izjavu iz člana 12.3. (h) u vidu posebne izjave, a koja je tražena navedenom tačkom Tenderske dokumentacije. Nadalje ponuđač je u nacrtu ugovora i okvirnog sporazuma izvršio izmjene naziva predmeta nabavke navodeći da je predmet nabavke „geodezija“, te je izvršio povredu tačke 13. Tenderske dokumentacije. Ponuda je ocijenjena kao **nepotpuna i neprihvatljiva**.

- Ponuđač **GEODET d.o.o. Sarajevo** nije navodio broj obavještenja o nabavci u Izjavama iz člana 45,47,50 i 52 Zakona o javnim nabavkama BiH, te je izvršio povredu tačke 13. Tenderske dokumentacije, a u kojoj je decidno navedeno da su se ponuđači dužni pridržavati zahtjeva i uslova iz tenderske dokumentacije.
Ponuda je ocijenjena kao **nepotpuna i neprihvatljiva**.
- Ponuđač **Institut za građevinarstvo „IG“ d.o.o. Banja Luka** je dostavio svu potrebnu dokumentaciju i ponudio godišnju cijenu nabavke u iznosu od: 44.996,00 KM bez PDV-a. Ugovorni organ je u tački 5.2 Tenderske dokumentacije decidno naveo procijenjene vrijednosti nabavke, dok je u članu 4. Okvirnog sporazuma decidno navedeno da će se nakon potpisivanja sporazuma, sa izabranim ponuđačem zaključiti ugovor na godišnjem nivou. Ponuđač je u Obrazcu za cijenu ponude i nacrtu ugovora iskazao godišnju cijenu koja je znatno veća od osiguranih sredstava nabavke, te je zbog nemogućnosti provođenja e-aukcije Komisija dala prijedlog Ugovornom organu da postupi u skladu sa članom 69. stav 2. tačka (e) Zakona o javnim nabavkama BiH i da predmetni postupak javne nabavke **poništi**.

Na osnovu svega naprijed navedenom i shodno činjenici da je dostavljena jedna prihvatljiva ponuda, a koja je znatno veća od procijenjene godišnje vrijednosti predmetne nabavke, na prijedlog Komisije za javne nabavke, Ugovorni organ je u skladu sa članom 69. stavom 2. tačka (e) Zakona o javnim nabavkama BiH, predmetni postupak javne nabavke **poništi**.

Pouka o pravnom lijeku: Protiv ove Odluke može se uputiti žalba u roku od pet (5) dana od dana prijema ove Odluke. Žalba se izjavljuje ugovornom organu u pisanoj formi direktno, elektronskim putem ili preporučenom poštanskom pošiljkom, i to u dovoljnom broju primjeraka, a koji ne može biti manji od tri.

**KJKP „RAD“ d.o.o. Sarajevo
v.d Direktor**

Mirsad Hošić, dipl.ing.maš.

DOSTAVITI:

- Ponuđačima;
- A/a;